

გამარჯვება მთელ გუნდს ეკუთვნის

თბილისი, ვ. ი. ლენინის სახელობის „დინამოს“ სტადიონი, 9 მარტი. ■
მაყურებელი.

„დინამო“ (თბილისი) – „დინამო“ (მინსკი) 2:1 (0:0)

თბილისი: გაბელია, კეტაშვილი, მიქაბერიძე, ჭედია, კუდინოვი, ჯოხაძე, კაკილაშვილი, სულაქველიძე, შენგელია, ცაავა (ჩელეებაძე, 71) ... (გაზაფი, 71).

მინსკი: ჟუკოუ, ბოროვსკი, რუმბუტისი, იანუშევსკი, ტრუხანი, დოზაროვი (ზიგმანტოვიჩი, 63), გოცმანოვი, კისტენი, ალენიკოვი, გურიდისი (სიკოლი, 85), კონდრატიევი.

მსაჯი ა. კირილოვი (მოსკოვი)

გოლები: ალენიკოვი (60), სულაქველიძე (78), გაზაფი (90)

გააფრთხილეს ალენიკოვი.

მატჩის დამთავრებამდე ნახევარი საათით ადრე მინსკელებმა ეფექტურად გაითამაშეს საჯარიმო და ღვინიკოვმა ძლიერი, ზუსტი დარტყმით ანგარიში გახსნა. მაშინ ვინმეს რომ ეთქვა, თბილისელები მაინც მოიგებენ შეხვედრასო, ამას, ალბათ, არავინ დაიჯერებდა. არა იმიტომ, რომ ნახევარი საათი საკმარისი დრო არ არის ორი ბურთის გასატანად, არც იმიტომ, რომ მეტოქე გაცილებით ძლიერი ჩანდა. რა თქმა უნდა, გასათვალისწინებელი იყო დროის სიმცირეც და მინსკელთა გუნდის ძალაც. მაგრამ მთავარი, ვფიქრობ, მაინც სხვა რამ გახლდათ. თბილისელებმა ფსიქოლოგიური თვალსაზრისით იმდენად მძიმე მომენტში გაუშვეს გოლი, რომ გასაკვირი არ იქნებოდა, ფარ-ხმალი დაეყარათ (ყოველ შემთხვევაში, ბევრი ისეთი მატჩის გახსენება შეიძლება, სადაც მსგავს ვითარებაში ფსიქოლოგიურად კარგად მომზადებულ გუნდებსაც კი შეუწყვეტიათ ბრძოლა). კონკრეტულად რაში გამოიხატებოდა ამ მომენტის სირთულე?

საკმაოდ უფერულად ჩატარებული პირველი ტაიმის შემდეგ თბილისელები სრულიად შეცვლილნი დაბრუნდნენ გასახდელიდან. შეხვედრის მეორე ნახევარი მათ გაცილებით სწრაფი ტემპით, ენერგიულად დაიწყეს და მეტოქეს, შეიძლება ითქვას, ამოსუნთქვის საშუალება არ მისცეს. მართალია, აშკარა საგოლე მომენტამდე საქმე არ მისულა, მაგრამ თამაშის განახლებიდან 10-12 წუთის მანძილზე სტუმრები საკუთარი საჯარიმო მოედნის მისადგომებთან იყვნენ ჩაკეტილები და კონტრიერიშზე ფიქრი კი არა, ბურთის მოგერიებას ძლივს ასწრებდნენ. თავდამსხმელმა კონდრატიევმა მიატოვა ჩვეული ადგილი და მცველთა დასახმარებლად დაიხია უკან. მხოლოდ გურინოვიჩი იდგა მინდვრის ცენტრალურ წრეში და ამით ორ თბილისელს მაინც აძლევდა შეტევაში მონაწილეობის საშუალებას.

მასპინძელთ ასეთმა თამაშმა მღელვარება შეიტანა მეტოქის რიგებში. ეს დაეტყო მცველებსაც, მეკარესაც. 49-ე წუთზე ჟეკიუს სრულიად მარტივ სიტუაციაში ხელიდან გაუვარდა ბურთი, რომელიც, ცოტაც და, შენგელიას ლუკმა გახდებოდა. ზედიზედ რამოდენიმეჯერ შეცდნენ ჟეკიუს პარტნიორებიც... ერთი სიტყვით, საფეხბურთო ლოგოკა გვკარნახობდა, რომ ანგარიში მალე უნდა გახსნილიყო.

გაიხსნა კიდევ, მაგრამ გოლი მოპირდაპირე კარში გავიდა – ამაზე წერილის დასაწყისში ვისაუბრეთ. გაშვებულმა ბურთმა თბილისელებზე ცივი შხაპით იმოქმედა. ისინი თითქოს განაგრძობდნენ შეტევას, მაგრამ მათ მოქმედებაში აღარ იგრძნობოდა ის ნაპერწკალი, ურომლისოდაც ძნელია წარმატებაზე ფიქრი.

... მატჩის დამთავრებას ოცი წუთი აკლდა, როცა ნოდარ ახალკაცმა მესხისა და ცაავას ნაცვლად მიწოდებულ ვეტირანები.

31 წლის ჩელებადე და 32 წლის გაბაევი. სრულად გადაუჭარბებლად შეიძლება ითქვას, რომ თბილისელებს სწორედ ამ შეცვლამ მოუტანა გამარჯვება. განსაკუთრებით აღსანიშნავია ჩელებადის ოსტატური თამაში – მან უცოცმანოდ იტვირთა ლიდერის როლი და თანაგუნდელებს თითქოს ახალი ძალები შთაბერა. გაიხსენეთ თუნდაც მისი 50-60 მეტრიანი ზუსტი გადაცემა, რომლითაც გარღვევაზე გაიყვანა გაბაევი (ამ უკანასკნელმა ასევე ზუსტად ჩააწოდა ბურთი ჭედიას – მისი თავური დარტყმა მიზანს ასცდა). ასევე ზუსტი, მახვილგონივრული და დროული იყო ჩელებადის მოკლე პასებიც. 78-ე წუთზე მან, მეტოქის კარისკენ ზურგით მდგომმა, მიიღო სულაქველიძის გადაცემა და თბილისელთა ნახევარმცველს (პირველ ტაიმში სულაქველიძე ცენტრალური მცველის ფუნქციას ასრულებდა) ოსტატურად დაუბრუნა ბურთი. წონასწორობა აღდგა – 1:1.

გავიდა კიდევ 12 წუთი. თამაშის დამთავრებამდე წამებილა რჩება. კაკილაშვილი თავისი ნახევრიდან წინ ურტყამს ბურთს, საჭარბოს მისადგომებთან მას ხვდება ჩელებადე, საჭაერო ბრძოლას უგებს მცველებს და თვით ზუსტად აწვდის გაბაევს. თბილისელთა ახალი თავდამსხმელი წამის მეთაურით ასწრებს მეკარეს. გაიშის მსაჯის საფინალო სასტვენის ხმაც. 2:1 – გამარჯვებს თბილისელებმა.

გამარჯვება მთელ გუნდს ეკუთვნისო, ხშირად ამბობენ ჟურნალისტები. ამ სიტყვების სისწორეში ეჭვი არავის შეაქვს, მაგრამ მინსკელებთან მატჩის მოგებაში უდიდესი წვლილი შეიტანეს ვეტირანებმა და ეს არ შეიძლება საგანგებოდ არ აღინიშნოს. სამართლიანობა მოითხოვს ორიოდე სიტყვა ვთქვათ თბილისელთა მეკარეზეც, რომელმაც, ფაქტობრივად, უშეცდომოდ ჩაატარა მთელი შეხვედრა. განსაკუთრებით დასამახსოვრებელი იყო 75-ე წუთი, როცა გაბელიამ ზედიზედ მოიგერია კონდრატიევისა და ზიგანტოვიჩის უძლიერესი დარტყმები. მასპინძელთა გამარჯვებაში მათი მეკარის დიდი დამსახურებაც არის.

თბილისელების თამაში ჯერ შორს არის სანიმუშოსგან. ხარვეზი და წუნი ჩვენი ფეხბურთელების მოქმედებაში შეუიარაღებელი თვალითაც ადვილი შესამჩნევია,

მაგრამ ის მონდომება და თავდადება, გუშინდელ შებენდრაში რომ დავინახეთ, გვაფიქრებინებს, რომ ჩვენი დინამოელები თანდათან დახვეწენ თამაშს, გამოასწორებენ ზოგიერთ ხარვეზს და მაშინ მათი მატჩები ისეთივე სასიამოვნო სანახაო იქნება, როგორც გუშინდელი შებენდრის ცალკეული ეპიზოდები იყო.

დავით კაკაბაძე

P.S. გუშინ რედაქციაში გამუდმებით რეკავდა ტელეფონი – ფეხბურთის ქომაგებს აინტერესებდათ, რაზე დაობდნენ მინსკელები გაზაფხის გოლის შემდეგ. ბურთი რომ გაუშვა, სტუმართა მეკარე ი. აუკოუ მივარდა მატჩის მთავარ მსაჯს ა. კირილოვს და სცადა მისთვის დაემტკიცებინა, რომ თამაშის დრო უკვე ამონურული იყო. როცა დარწმუნდნენ, რომ შებენდრის დამთავრებამდე ჯერ კიდევ რჩებოდა რამდენიმე წამი, მინსკელებმა ახლა სხვა პრეტენზია გამოთქვეს – თბილისელებმა ბურთი თამაშგარე მდგომარეობიდან გაიტანეს და თანაც, უხეშად ითამაშესო. მინსკის „დინამოს“ ხელმძღვანელობამ მასპინძლებს ვიდეოჩანაწერის ჩვენება მოსთხოვა. ჩანაწერის ნახვის შემდეგ მინსკელთა გუნდის უფროსმა მწვრთნელმა ბენიამინ არზამასცევმა თავისი შეცდომა აღიარა, ბოდიში მოუხადა მეტოქე გუნდის ხელმძღვანელებსა და მსაჯთა ბრიგადას. შებენდრის არბიტრმა ა. კირილოვმა ოქმში შეიტანა მინსკის „დინამოს“ მეკარის ი. აუკოუს არასპორტული ქცევის ფაქტი.

ლელი 21.03.1986